



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput VIII. Requisita ad acquisitionem dominii.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

tes alimenta, & quibus teguntur, his contenti sumus. Rationem Apostolus immediate subiungit: *Nam qui volunt divites fieri, incident in tentationem, & in laqueum diaboli, & desideria malitia inutilia & nociva, qua mergunt homines in internum, & perditionem. Radix enim omnium malorum est cupiditas. Imprimis incident in multis peccandi occasiones (quae laquei sunt diaboli) peccandi utique per avaritiam, immisericordiam in pauperes, &c. Et in desideria multa inutilia & nociva; quia desideria illa sine fine congregandi non solum inutilia sunt ad salutem, sed & nociva, quatenus (Evangelio teste) sunt instar spirarum suffocantium verbum Dei, illudque sine fructu efficientium. Ac per hoc desideria illa mergunt homines in internum aeternum, & in aeternam perditionem. Quia utplurimum eosque crescent, ut homo de terrenis & temporalibus bonis magis sollicitus sit, quam de caelestibus & aeternis. Et idem Marci 10. Dominus ait: *Facilis est eam per foramen acus transire, quam divitem invadere in regnum Dei.**

74 Sed & Luc. 14. 33. *Qui (effectivè faltem) non renuntiat omnibus qua possidet, non potest mens esse discipulus*, adeoque nec intrare in regnum Dei. Cum ita vero renuntiatione (quam Christianus quisque profiteretur in sue baptismate) non stat cupiditas sine fine possessiones augendi. Non stat etiam divitiarum usus, taliter moderatus, ut superfluum illarum in pauperes distribuatur, uti sub mortali praecipsum esse, plurimis S. Scripturarum testimoniis probavimus, ubi de eleemosyna.

75 Et hinc preceptum istud tam vehementer inculcant sancti Patres, ut dicant, divites superflorum suorum non esse proprietarios, sed solum dispensatores, esseque injustos, dum ea sibi retinent. Ita S. Basilius homil. 6. in avaro, Chrysostomus homil. 2. de Lazaro, Ambrosius ferm. 8. & lib. de Naboth cap. 12. Hieronymus epist. 15. ad Hedibiam, Augustinus homil. 47. inter psal. in Psal. 147. & ferm. 15. de divers. cap. 2. Leo Magnus ferm. 5. de Collecta. Gregorius Magnus de cura Pastorum p. 3. admonit. 22. Isidorus lib. 3. de sum. bon. c. 63. Salianus in tract. de hac materia. Quorum tamen hac de re sententiae non sic intelligentiae sunt, quasi res, quas ex patrimonio, vel mercatura justa adepti sunt, revera non sint eorum, quoad veri nominis proprietatem, sed sic ut quantum ad usum non solum esse debeant eorum, sed etiam aliorum, qui eis sustentandi sunt ex eo quod eis superfluit, uti S. Thomas ait 2. 2. q. 32. a. 5. ad 2. Unde dum etiam laudati Patres aiunt, divites solum esse dispensatores dictorum superflorum, eo sensu intelligendum non est, quasi solum se habeant velut dispensatores aliqui fundationis in pauperes applicanda, vel sicut Clerici dispensatores sunt superflui bo-

norum ecclesiasticorum; sed hoc sensu, quod superflorum suorum non habeant dominium absolutum, & illimitatum, quasi nempe de his in quoescunque usus pro libitu disponere possint, sed divino & naturali iure restrictum ad usum per divinam Scripturam & sanctos Patres expressum. Quod quia divitibus utplurimum difficillime persuadetur, ob occulte regnante in corde ipsorum avaritiam, seu immoderatam amplius & amplius habendi cupiditatem, ambitionemque, hinc est quod Christus Matth. 19. usque adeo exaggeret difficultatem divitum intrandi in regnum celorum: utpote in quod non intrant, nisi Christi discipuli, nisi proinde qui si affectu renuntiant omnibus qua possident, ut animo pauperes sint, id est tales, ut si possideant divitias, ab eis taliter non possideantur, ut illi servire malint, quam Deo aliiquid grave jubenti. Quicumque vero, contra Dei mandatum, superflua sua pauperibus non distributunt, convincuntur malle divitias servire, quam Deo aliiquid grave jubenti, adeoque veraciter animo non renuntiare omnibus qua possident. Convincuntur ergo non esse Christi discipuli, adeoque esse extra viam salutis.

CAPUT VIII.

Requisita ad acquisitionem dominii.

S I res domino caruerit (exceptis thesau- 77 ris, de quibus infra) sufficit eam apprehendere, animo faciendi tuam, ut ejus dominus fias. *Quod enim nullius est, id ratione naturali occupanti conceditur.* L. quod enim extr. de acquir. dom. Et hoc modo, in divisione bonorum, primitus introducta sunt dominia proprietatis.

Hinc quisquis modo dicto primò appre- 78 hendit, sit dominus animalium sylvestrium, quæ nullius haecenùs subiecta fuerunt domino, vel (post subjectionem) restituta fuerunt libertati. Fera itaque sic à te vulnerata, ut eam capturus sis, injuste tibi præripitur ab altero, dum eam persequi pergis. Et idem est, si inextricabiliter intricata fuerit laqueo à te posito, licet ab eo exempta, & capta ab altero: non enim ipse, sed tu dominus es illius, sicut & piscium retibus tuis irretitorum.

Nec ideo fera est domini fundi, quia eam 79 capis in fundo, vel arbore ipsius, sed tua est, nisi alterius fundo taliter inclusa fuerit, ut censeatur ibi detineri captiva, libertate que naturali spoliata.

Non idem etiam definis acquirere domi- 80 nium feræ, quod eam ceperis venatione per Edicta Principum Belgii interdicta. Quia feræ equidem, per hujusmodi prohibitionem, ante occupationem, in rigore non sunt Principum, nec proinde contra iustitiam commutativam peccant istius prohibitionis transgresores, sed ad summum contra lega-

lem , cuius violatio non obligat ad restitu-
tionem . Ita Doctores communiter .

81 Addit Zypaeus in notitia juris Belgici l. 11.
tit. de venat. ferar. Edicta illa solùm esse le-
ges penales , quæ dumtaxat obligant ad so-
lutionem poenæ , si quis forte deprehendan-
tur . In Brabantia tamen speciali privilegio ,
concesso in latro introit a. 33. & 34. om-
nibus venari permisum est , modò nobiliter
id fiat , id est feras canibus , volucres fal-
conibus & accipitribus insequendo , sine ar-
mis , & tantum certis temporibus . Consi-
tutione Frederici Imperatoris , rustici prohi-
bentur retia , laqueos , aut alia instrumenta
ad capiendas feras tendere , nisi ad ursos , a-
pros , vel lupos capiendos . Varia Belgii Prin-
cipum Edicta materiam hanc regulantia ci-
tat Zypaeus loco citato , quibus inhibitetur
particularibus venatio ferarum , delatio armo-
rum in sylvis , bestiarumque , etiam læsarum ,
ex sylvis ablatio .

82 Jure canonico venatio specialiter inhibita
est Clericis , maximè frequens , & cum stre-
pitu canum , aut vi armorum , cap. de Cleri-
co venatore , ubi Episcopus , frequenter id
faciens , suspendi jubetur à communione tri-
bus mensibus ; Presbyter duobus ; Diaconi-
nus ab officio .

83 Hactenus de acquirendo dominio rei do-
mino carentis . Nam , ut quis evadat do-
minus rei dominum habentis , regulariter
duo requiruntur , titulus scilicet , & traditio .
Titulus est illud , in quo dominium per se
primò fundatur , v. g. emplio , donatio , &c .
Duplex est , verus & præsumptus . Verus
est v. g. legitima donatio , emplio , hæreditas ,
legatum . Præsumptus est titulus revera-
non legitimus , bona fide creditus legitimus ,
v. g. donatio , vel venditio , qua bona fide
creditur legitima , sed revera non est , ob ali-
quam circumstantiam ignoratam , v. g. inca-
pacitatem ad donandum . Traditio regulariter
requiritur , non jure naturali (quo suffi-
cieret consensus mutuus signis exterioribus
expressus) sed jure civili L. traditionibus .
Cod. de pactis , exceptis nonnullis casibus ,
qui videri possunt apud Beccanum .

CAPUT IX.

*Thesauri , seclusa lege positiva , roti cedunt
inventori ; sed alter legibus civili-
bus dispositum est .*

84 Primæ pars sequitur ex dictis capite præ-
cedenti , quia thesauri sub nullius domi-
nio sunt (thesauri enim definitur , verus de-
positio pecunia , cuius memoria non existat , ut
jam dominum non habeat L. nunquam , & L. si
quis ff. de acquir. rer. dom.) seclusis ergo
legibus positivis in contrarium , sunt primi
inventoris , sive primi occupantis .

Dixi quod thesaurus sit *verus depositio* :
si enim sit recens , restituiri debet deponenti ,
si queat inveniri ; sin minus , in pios usus

impendi , sicut alia bona ignoti domini . 2º
depositio pecunia , cuius nomine veniunt vasa
aurea , argentea , catenæ , gemmæ , vestes
pretioſæ , & ſimilia . 3º cuius memoria non ex-
iat . Si enim ex forma , vel circumſcriptione
pecuniae , seu aliis circumſtantia erui pos-
ſit pecuniam non esse reconditam ab anti-
quo tempore , quod hominum memoriam
excedat , non est propriæ theſaurus , quam-
vis ignotus fit dominus .

Pro expofitione ſecundæ partis , ſciendum , 87
quod jure poſitivo antiquo circa theſauros
ſtatuta ſunt quatuor . Primo , ſi theſaurus in-
veniatur in fundo proprio , ſive caſu , ſive
industria , totus eſt inventoris . L. nemo Cod.
de theſauris . Secundo , ſi caſu inveniatur in
fundō alieno , dividitur aequaliter inter in-
ventorem & dominum fundi . §. theſauros in-
ſtit. de rer. divisi . Si autem de industria qua-
ſitus fuerit , abſque conſenſu domini fundi ,
totus eſt domini fundi , licet altera pars ei
non debeatur , niſi poſt ſententiam ; eo quod
inventor ſuā parte ſolū privat⁹ propter
culpam . L. unicā C. de theſauris . Siqua-
men obtentā à domino fundi facultate , in
fundō ipſius theſaurum quæſerit , & inve-
nit , fecluso in contrarium pacto , totus eſt
inventoris : quia caſus iſte omiſſus eſt à ju-
re civili . Secluso vero in contrarium jure
civili , theſaurus totus eſt inventoris .

Limitat hoc Lessius , niſi dolosè licen- 86
tiam obtinuerit à domino fundi , ſimulando
ſe neſcire latentem theſaurum , cum certò
ſciret . Sed limitatio iſta non videtur fundata ;
quia ſicut nullus dolus eſt in eo quod inven-
tor theſauri in agro alieno , emat agrum illum
precio currenti , nullā factā theſauri men-
tione (uti colligitur ex Matth. 13. 44.) ſic
nullus dolus eſt in eo quod certò ſciens the-
ſaurum latentem in agro alieno , memoria-
tam licentiam petat , nullā theſauri factā
mentione . Maximè cum juri ſuo dominus
eo ipſo cedere videatur , quod facultatem il-
lam concedit , nullā adiectā conditione , nec
pacto ſervandæ ſibi medietatis , ſiquid inve-
niretur . Quartò , ſi theſaurus inventus fue-
rit arte magica , totus cedit fisco . L. nemo
ſuprà .

Sed quid ſi theſaurus inventus fuerit in 87
fundō vafalli , vel emphyteutæ , cuius eſt , ut
domini directi , an vafalli , vel emphyteutæ ?

Respondeo , vafalli , vel emphyteutæ . Quia
thesaurus eſt *fortuna donum* , ut Triphonius
ait L. ſi iis qui ff. de acquir. dom. ſeu , ut
christianè loquitur Leo Imperator , *beneficium Dei* . Atqui ad emphyteutam pertinet
fortunæ dampnum . L. 2. C. de jure emphy-
teut . Igitur ad ipsum pertinere debet &
fortunæ commodum , juxta hanc regulam
juris in 6. Qui ſentit onus , debet & com-
modum ſentire .

Hactenus dicta procedunt ſecundūm jus 88
antiquum , ſeu Romanum : cæterū ſuā
aliæ ſunt leges & conſuetudines , ſervandæ
ſunt .